

## Byggingarnefnd íþróttamannvirkja í Búðardal

### Fundargerð 11. fundar

Fundur haldinn í stjórnsýsluhúsinu í Búðardal miðvikudaginn 6. október kl. 16:00

Mættir: Skúli Hreinn Guðbjörnsson, Einar Jón Geirsson, Ingibjörg Þóranna Steinudóttir, Jón Magnús Katarínusarson, Jón Egill Jónsson, Guðlaug Kristinsdóttir og Björn Bjarki Þorsteinsson. Þeir Einar Jón, Jón Magnús og Jón Egill tóku þátt í fundinum í gegnum fjarfundarbúnað en aðrir fundarmenn voru á staðnum.

Dagskrá:

#### 1. Staða mála

Farið yfir stöðu mála og hvað hafi gerst frá síðasta fundi nefndarinnar.

Á 10. fundi nefndarinnar var sveitarstjóra falið að kanna hvað Dalabyggð er heimilt að gera út frá lagalegu tilliti hvað varðar innkaupareglur. Fyrir liggur álit frá lögmanni þess efnis að þar sem engin tilboð bárust í verkið sé það heimilt að leita samninga við verktaka um verkið að því sögðu að við gerð þess samnings þurfi að hafa hliðsjón af tilgreindum ákvæðum og ekki sé víkið í endanlegum samningi í verulegum atriðum frá upphaflegum skilmálum útboðsgagna.

#### 2. Næstu skref – mögulegur samstarfsaðili

Formaður byggingarnefndar og sveitarstjóri upplýstu að byggðarráð Dalabyggðar hefði átt fund með forráðamönnum Eyktar hf. varðandi mögulegt samstarf um byggingu íþróttamannvirkja í Búðardal. Í kjölfar þess fundar voru sett saman drög að viljayfirlýsingu um áframhaldandi vinnu við undirbúning þess að mögulega takist samningar um samstarf um verkefnið á milli Eykt hf. og Dalabyggðar. Byggingarnefnd voru kynnt drögin og er það samdóma álit nefndarinnar að halda skuli áfram á þeirri braut sem þar er mörkuð og beinir nefndin því til byggðarráðs að halda áfram með málið á þeim grunni sem kynnt var.

#### 3. Hlutverk byggingarnefndar

Farið var yfir hvað nú taki við í verkefnum byggingarnefndar. Byggingarnefnd er sammála um að hún sé tilbúin til að vera til taks ef og þegar byggðarráð telur þörf á nú í framhaldinu samanber hver möguleg næstu skref verða í verkefninu.

Fleira ekki gert, fundi slitið kl. 16:20

Fundargerð ritaði Björn Bjarki Þorsteinsson